

আলোচ্যসূচি নং- ৩০

সার-সংক্ষেপ নং- ১৪১৩/২০২০

পরিচালনা পর্ষদ সভার সার-সংক্ষেপ

বিষয়ঃ রাজউক এর পূর্বাচল নতুন শহর প্রকল্পে বাংলাদেশ কৃষি ব্যাংক এর অনুকূলে ২(দুই) বিঘা প্লট/জমি বরাদ্দ প্রসঙ্গে।


ব্যাংকের পর্ষদ বুকি ব্যবস্থাপনা কমিটির ১০-০৯-২০২০ তারিখে অনুষ্ঠিত ২৫ তম সভায় রাজউক পূর্বাচল নতুন শহর প্রকল্পে বাংলাদেশ কৃষি ব্যাংক এর অনুকূলে প্লট/জমি বরাদ্দের জন্য আবেদন করার সিদ্ধান্ত গৃহীত হয়। বুকি ব্যবস্থাপনা কমিটির উক্ত সিদ্ধান্তটি ব্যবস্থাপনা কর্তৃপক্ষের সদয় নির্দেশনা মোতাবেক পর্ষদ সভায় উপস্থাপনের নিমিত্তে প্রয়োজনীয় তথ্যাদি নিম্নে উপস্থাপন করা হলোঃ-


০২। বাংলাদেশ কৃষি ব্যাংক শতভাগ রাষ্ট্রীয় মালিকানাধীন একটি সরকারী প্রতিষ্ঠান। এই ব্যাংকটি প্রতিষ্ঠাকালীন সময় থেকেই দেশের প্রত্যন্ত অঞ্চলের গ্রামীণ জনগোষ্ঠীকে ব্যাংকিং সেবাসহ দেশের প্রান্তিক ও ক্ষুদ্র চাষীদের মধ্যে স্বল্প সুদে ঋণ প্রদানের মাধ্যমে দেশের অর্থনৈতিক উন্নয়ন তথা কৃষকদের ভাগ্য উন্নয়ন এবং দেশকে খাদ্যে স্বয়ং সম্পূর্ণ করার লক্ষ্যে কাজ করে যাচ্ছে। মাননীয় প্রধানমন্ত্রী শেখ হাসিনার নেতৃত্বাধীন সরকারের মেয়াদকালে বাংলাদেশ কৃষি ব্যাংক দেশের প্রত্যন্ত অঞ্চলে ১৬৯ টি নতুন শাখা চালু সহ মোট ১০৩৮ টি শাখার মাধ্যমে কৃষির উন্নয়ন, অর্থনৈতিক প্রবৃদ্ধি, দারিদ্র্য বিমোচনসহ জীবনমান উন্নয়নে উল্লেখযোগ্য ভূমিকা রাখছে। মাননীয় প্রধানমন্ত্রী ঘোষিত 'ডিজিটাল বাংলাদেশ' কার্যক্রমের সফল বাস্তবায়নের মাধ্যমে বাংলাদেশকে মধ্যম আয়ের দেশে রূপান্তরের ক্ষেত্রে কম্পিউটারাইজেশনের গুরুত্ব অপরিসীম। তথ্য প্রযুক্তির অবাধ সম্প্রসারণের সাথে তাল মিলিয়ে অত্র ব্যাংকও কম্পিউটারাইজেশনের কার্যক্রম দ্রুত গতিতে এগিয়ে চলছে। ইতিমধ্যে অত্র ব্যাংকের ১০৩৮ টি শাখার মধ্যে ৪৭৬ টি শাখায় অনলাইন ব্যাংকিং সেবা চালু করা হয়েছে এবং পর্যায়ক্রমে সকল শাখাকে অটোমেশানের মাধ্যমে অনলাইন সেবার পরিধি আরো বিস্তৃত করা হবে। অনলাইন শাখাসমূহের গুরুত্বপূর্ণ ব্যাংকিং ডাটার অধিকতর নিরাপত্তা বিধানকল্পে আর্থিক প্রতিষ্ঠানসমূহের Near DRS স্থাপনের বিষয়ে বাংলাদেশ ব্যাংক এর নির্দেশনা থাকলেও নিজস্ব ভূমি না থাকার কারণে অতীব গুরুত্বপূর্ণ এই নির্দেশনা বাস্তবায়ন করা সম্ভব হচ্ছে না।


০৩। রাজউক এর "পূর্বাচল নতুন শহর প্রকল্প" টি আধুনিক সুযোগ সুবিধা সম্পন্ন সর্ববৃহৎ আবাসন প্রকল্প যার পাশে রয়েছে অনেক কৃষি জমি ও স্থানীয় বাজার। বিপুল সংখ্যক জনগোষ্ঠীর বাসযোগ্য এই উপশহরটি বসবাসের জন্য সম্পূর্ণরূপে প্রস্তুত হলে জনজীবনের সাথে সম্পৃক্ত পণ্য ও সেবার চাহিদার প্রেক্ষিতে এখানে গড়ে উঠবে অনেক বাণিজ্যিক প্রতিষ্ঠান। ফলশ্রুতিতে অদূর ভবিষ্যতে আধুনিক এই প্রকল্পকে ঘিরে কৃষি ভিত্তিক অর্থনীতির পাশাপাশি বাণিজ্যিক কর্মকাণ্ড প্রসারেরও অপার সম্ভাবনা রয়েছে। কৃষিখাতে বৃহত্তম অর্থায়নকারী প্রতিষ্ঠান হিসাবে স্থানীয় কৃষক ও ক্ষুদ্র ব্যবসায়ীদের মাঝে সহজ শর্তে ঋণ বিতরন সহ পূর্বাচল নতুন শহর প্রকল্পের অধিবাসীদের আধুনিক ব্যাংকিং সেবা প্রদানের ক্ষেত্রে বাংলাদেশ কৃষি ব্যাংক এর গুরুত্বপূর্ণ ভূমিকা রাখার সুযোগ রয়েছে। সে প্রেক্ষিতে বিগত ২২-০৬-২০ তারিখে অনুষ্ঠিত ব্যাংক এর পর্ষদ বুকি ব্যবস্থাপনা কমিটির ২৫ তম সভায় রাজউক এর পূর্বাচল নতুন শহর প্রকল্পে প্লট/জমি বরাদ্দের জন্য আবেদন করার বিষয়ে ব্যাংক ব্যবস্থাপনাকে নির্দেশনা প্রদান করা হয়। উল্লেখ্য আধুনিক সুযোগ সুবিধা সম্পন্ন এই উপশহরের ব্যবসায়িক সম্ভাবনা বিবেচনায় ব্যাংকিং কার্যক্রম পরিচালনাসহ অন্যান্য গুরুত্বপূর্ণ বানিজ্যিক ও সেবামূলক কার্যক্রম সম্পাদনের লক্ষ্যে আলোচ্য প্রকল্পে নিজস্ব স্থাপনা নির্মাণের জন্য ২(দুই) বিঘা প্লট/জমি বরাদ্দ পেলে শতভাগ সরকারী মালিকানাধীন বাংলাদেশ কৃষি ব্যাংক সরকারের উন্নয়ন কর্মকাণ্ডে কার্যকর ভূমিকা রাখতে সক্ষম হবে। বাংলাদেশ কৃষি ব্যাংক এর ন্যায় কৃষি বাস্তব একটি ব্যাংক ২(দুই) বিঘা প্লট/জমি বরাদ্দ পেলে উক্ত প্লট/জমিতে বাংলাদেশ কৃষি ব্যাংক এর একটি শাখা, আঞ্চলিক কার্যালয় ছাড়াও বাংলাদেশ ব্যাংক এর নির্দেশনা বাস্তবায়ন এবং গুরুত্বপূর্ণ ব্যাংকিং ডাটার অধিকতর নিরাপত্তা বিধানকল্পে Near DRS স্থাপন সম্ভব হবে।

০৪। ব্যাংক ব্যবস্থাপনার সুপারিশঃ উপরোক্ত বর্ণনার আলোকে এবং পর্ষদ বুকি ব্যবস্থাপনা কমিটির সিদ্ধান্ত মোতাবেক রাষ্ট্র মালিকানাধীন বিশেষায়িত ব্যাংক এবং কৃষিখাতে বৃহত্তম অর্থায়নকারী প্রতিষ্ঠান বিবেচনায় রাজউকের পূর্বাচল প্রকল্পে বাংলাদেশ কৃষি ব্যাংককে একটি শাখা, আঞ্চলিক কার্যালয় এবং Near DRS স্থাপনের প্রয়োজনীয়তা বিবেচনায় ২(দুই) বিঘা প্লট/জমি বরাদ্দ প্রদানের জন্য রাজধানী উন্নয়ন কর্তৃপক্ষ বরাবরে অনুরোধপত্র প্রেরণের লক্ষ্যে পর্ষদের অনুমোদনের জন্য সুপারিশসহ উপস্থাপন করা হলো।


০৫। সার-সংক্ষেপ টি ব্যবস্থাপনা পরিচালক মহোদয় দেখেছেন এবং পর্ষদ সভায় উপস্থাপনের সদয় অনুমোদন প্রদান করেছেন।


  
১২/১০/২০২০  
(মোহাম্মদ মনিরুল ইসলাম)  
উপ-মহাব্যবস্থাপক

  
১২/১০/২০২০  
মোঃ আজিজুল বারী  
মহাব্যবস্থাপক (প্রশাসন)

  
১২/১০/২০২০  
(মোঃ আজিজুল বারী)  
উপ-ব্যবস্থাপনা পরিচালক-১

পরিচালনা পর্ষদের ৭৭৬ তম সভায় উপস্থাপন করা হলো।

  
১২/১০/২০২০  
(কাজী মোহাম্মদ নজরে মঈন)  
সচিব (ভারপ্রাপ্ত)

প্রস্তুতকারী : জাহানারা রায়হানুল ফেরদৌসী (উর্ধ্বতন মুখ্য কর্মকর্তা) 

পরীক্ষক : মুহাম্মদ তাইবুর রহমান (সহকারী মহাব্যবস্থাপক) 